

**Iserit A/S-ip
malittarisassai
CVR-nr. 12227353**

Ateq, angerlarsimaffik siunertarlu

§ 1.

- 1.0.1. Ingerlatseqatigiiffiup aterivaa Iserit A/S. Ingerlatseqatigiiffiup atianut ilannguttarpoq Kommuneqarfik Sermersuup Inissiaateqartifiifia A/S (Iserit A/S).
- 1.0.2. Ingerlatseqatigiiffiup angerlarsimaffigaa Kommuneqarfik Sermersooq.

§ 2.

- 2.0.1. Ingerlatseqatigiiffiup siunertarivaa nammineq inissiaatinik aqutsinissaq sullissinissarlu, Nammineq inissiaatinik pigisanik sanaartornissaq aammalu pigisaqarnissaq, periarfissaralugu tuniniaanissaq, attartortitsinissaq aammalu ingerlatseqatigiiffiup inissiaataannik assigisaanilluunniit aqutaqarnissaq.

ANINGAASAATIT

§ 3.

- 3.0.1. Ingerlatseqatigiiffiup aktiatigut aningaasaatai kr. 338.000.000-nik amerlasuseqarput aktianut ataaseq kr. 1.000-nik nalilinnut agguataarsimasut taakkulu ilassutaat. Kommuneqarfik Sermersooq kisimiilluni aktianik piginnittuuvoq.
- 3.0.2. Aktiatigut aningaasaatit tamakkiisumik akiligaapput.
- 3.0.3. Aktiat niuerutissaanngillat, taamaammat paatsuugassaanngitsunik ersarissunillu taamaanneri allassimassallutik.
- 3.0.4. Aktiat arlaannaalluunniit immikkut ittumik piginnaatitsissuteqarfigineqanngillat. Aktianik piginnittut arlaannaataluunniit ingerlatseqatigiiffik imaluunniit allat aktianik tamakkiisumik ilaannakortumilluunniit atugassissanngilaat.
- 3.0.5. Aktiat niuerutigineqarsinnaanerat killeqarpoq, pissutigalugu nakkutilliisoqarfiup akuersineratigut aatsaat aktiat inunnuat imaluunniit pisortat suliffeqarfiinut tunineqarsinnaammata.

ATAATSIMEERSUARNEQ

§ 4.

- 4.0.1. Ataatsimeersuarnerit ingerlatseqatigiiffiup angerlarsimaffiani Kommuneqarfik Sermersuumi ingerlanneqartassapput.
- 4.0.2. Ukioq naatsorsuuteqarfiusoq kingusinnerpaamik qaammatit arfinillit qaangiunneranni ileqquusumik ataatsimeersuarneq pissaaq”
- 4.0.3. Immikkut ittumik ataatsimeersuortoqassaaq, siulersuisut, kukkunersuiusup imaluunniit ataatsimeersuarnermi tamanna naleqquttutut isumaqarfigineqarpat. Immikkut ittumik ataatsimeersuariaqqusineq pissaaq sapaatit akunneri marluk qaa-ngiutsinnagit, oqaluuserineqartumi aalajangersimasumi aktiaatillit aningaasaatinit 1/10-nik piginnittut tamanna allakkatigut piumasarippassuk.
- 4.0.4. Siulersuisut allakkatigut aktianik piginnittunut ataatsimeersuariaqqusisassapput aktiaatillit allattorsimaffianni najukkamut allassimasumut sivilunerpaamik sapaatit akunnerinik sisamanik sivikinnerpaamillu ullunik arfineq pingasunik sioqqutsisumik. Ataatsimeersuariaqqusissummi allassimassaaq, ataatsimeersuarnermi suut oqaluuserineqassanersut aammalu ataatsimeersuarnermi oqaluuserineqartussanik malittarisassani allannguutissatut siunnersuuteqartoqarpat, ataatsimiigiqqusinermi siunnersuummi pingaarnertut imarisaq allanneqassaaq.
- 4.0.5. Ataasimeersuarnissaaq kingusinnerpaamik ullunik arfineq pi-ngasunik sioqqullugu ingerlatseqatigiiffiup allaffiani aktiaatillit takuniarsinnaasaannik oqaluuserisassanik siunnersuutinillu tamakkiisunik ataatsimeersuarnermi saqqummiunneqartussanik saqqummiussisoqassaaq, ileqquusumillu ataatsimeersuarnissamut aamma ukiumoortumik nalunaarussiaq kukkunersuiusullu nalunaarutaat saqqummiunneqassapput.
- 4.0.6. Ataatsimiigiqqusissutitut aggeqqusissut inissiaatileqatigiiffimmi sulisunut tunniunneqassaaq, taakku siulersuisuni sinniisumik toqqaanissamik pisinnaatitaaffik atorsimappassuk.
- 4.0.7. Aktianik piginnittut kikkulluunniit ataatsimeersuarnermi eqqartugassamik sumilluunniit saqqummiussinnaatitaapput, tamanna siulersuisunut allakkatigut piumasarineqarpat sapinngisamik sioqqutsisumik, pineqartoq ataatsimeersuarnermi oqaluuserineqarsinnaasunngorlugu.

§ 5.

- 5.0.1. Ileguusumik ataatsimeersuarnermi ukiumoortumik nalunaarusiaq kukkunerisiuisut oqaaseqaataanik imaqartoq ukiumoortumillu nalunaarut saqqummiunneqassapput makkulu suliarineqassapput:
1. Ingerlatseqatigiiffiup suliai pillugit nalunaarut.
 2. Ukiumoortumik nalunaarusiap akuerineqartussanngorlugu saqqummiunneqarnera.
 3. Sinneqartoorutit atorneqarnissaannik aalajangerneq imaluunniit naatsorsuutit akuerisat malillugit annaasaqaatinik matussusiineq.
 4. Siulersuisut akuersinissamat piginnaatinneqarnissaannik aalajangiineq.
 5. Siulersuisunut ilaasortanik qinersineq.
 6. Siulittaasup siulersuisunilu ilaasortat allat ajunngitsorsiassaannik aalajangersaaneq.
 7. Kukkunerisiuisunik qinersineq.
 8. Tamalaat.
- 5.0.2. Taasisinnaatitaaneq piginnaatitsissuteqarnikkut atorneqarsinnaavoq. Piginnaatinneqartoq aktianik piginnittuusariaqanngilaq.
- 5.0.3. Siulersuisut ataatsimiinnermi aqutsisutut toqqagaat ataatsimeersuarnermi isumaqatiginninniarnerni aqutsisuussaaq suliallu suliarineqarnerani apeqqutit tamaasa, taasinerit taakkulu inernerat aalajangiiffigissallugit.

§ 6.

- 6.0.1. Ataatsimeersuarnermi oqaluuserineqartut amerlanerussuteqarneq naapertorlugu taasinikkut aalajangiiffigineqassapput, ingerlatseqatigiiffinnut inatsimmi tamatumunga atatillugu sinniisuutitaqarneq amerlanerussuteqarnerlu pillugit immikkut malittarisassaartoqanngippat.
- 6.0.2. Ataatsimeersuarnermi eqqartorneqarsimasut siulersuisut akuerisaanni imaqarniliami naatsumik nalunaarutigineqassapput, taakkulu ataatsimiinnermi aqutsisumit atsiorneqassapput.

SIULERSUISUT

§ 7.

- 7.0.1. Ingerlatseqatigiiffik siulersuisunit tallimanik ilaasortalimmit aqunneqarpoq, taakunangalu sisamat, taakkununnga ilaalluni siulittaasoq, ataatsimeersuarnermi qinerneqartarput. Siulersuisuni ilaasortat ukioq ataaseq atasussanngorlugit qinerneqartarput.
- 7.0.2. Siulersuisut tallimanik ilaasortaqrput, taakkununnga sisamat immikkut aqutsinermi, teknikkikkut imaluunniit allatigut ingerlatseqatigiiffiup ingerlataanut tunngasunik ilisimasaqartuussapput naleqq. ISERIT A/S siulersuisut pisinnaasaqarfiisa takussutisartaq, sulisullu sinniisaat ataaseq.
- 7.0.3. Siulersuisut ingerlatseqatigiiffiup pingaarnertut aqunneqarnerani akisussaa-suupput.
- 7.0.4. Taasinermi amerlaqatigiittoqartillugu siulittaasup taasinera aalajangiisuussaaq. Tamatuma saniatigut siulersuisut suleriaasissatut aalajangersakkaminni erseqqinnerusunik aalajangersaassapput.
- 7.0.5. Siulittaasoq siulersuisunilu ilaasortat allat ajunngitsorsiaqartinneqassapput, ileqqusumik ataatsimeersuarnermi aalajangersarneqartunik, siulersuisut inassuteqaateqarnerisigut.
- 7.0.6. Siulersuisuni ilaasortanik qinersisoqannginnerani, qinigassanngortittut nunatsinni ingerlatseqatigiiffinni allani aqutsisutut atuuffeqarnerisut pillugit paasissutisiiisoqassaaq.

QULLERSAT NITTARSAASSISINNAATITANERLU

§ 8.

- 8.0.1. Siulersuisut pisortamik atorfinitsitsissapput ingerlatseqatigiiffiup ulluinnarni aqunneqarneranik isumaginnittussamik pisortallu atorfinitsitaanerani piumasarisanik taassumalu piginnaatitaaffii pillugit erseqqinnerusunik malittarisassassanik aalajangersaassallutik.
- 8.0.2. Ingerlatseqatigiiffik siulersuisuni siulittaasumit nittarsaanneqartassaaq imaluunniit siulittaasup tullianit pisortaq imaluunniit siulersuisut tamarmiusut peqatigalugit.

NAATSORSUUTIT KUKKUNERSIUNERLU

§ 9.

- 9.0.1. Ingerlatseqatigiiffiup naatsorsuutaanik kukkunersiuisitsineq pisassaaq ataatsimeersuartut kukkunersiuisutut akuerisatut toqqagaannit. Kukkunersiuisoq ukioq ataasiakkaarlugu toqqarneqartassaaq. Kukkunersiuisoq qinigaaqqittarsinnaavoq.

§ 10.

- 10.0.1. Ingerlatseqatigiiffimmi ukioq naatsorsuusiorfiusoq tassaavoq qaammatisiutit ukuiat. Ingerlatseqatigiiffiup naatsorsuusiorfia ukioq siulleq tassaavoq pilersinneqarnermiit decembarip 31-iat 2005-ip tungaanut.

Taamaasillutik ingerlatseqatigiiffiup pilersinneqarluni ataatsimeersuaqqaarnerani akuersisutigineqarput ulloq 11. april 2005 kingusinnerusukkullu ileqquusumik ataatsimeersuarnermi 28. marts 2006-mi, kiisalu allannguuteqartinneqarlutik ataatsimeersuarnermi ulloq 24. november 2008-mi, 10. marts 2009-mi, 17. juni 2010-mi, 24. maj 2017-mi, 11. maj 2018-mi 25. april 2019-mi aammalu 2. december 2019-mi